

3 上

增像全圖三國演義

錦章書局印
陽湖汪洵題



局

章

紀長安李催
聽賈詡



勤王室馬騰舉義

劉皇叔北海救
孔融



陶公祖三謀徐州



第一才子書卷五

聖嘆外書

茂苑毛宗崗序始氏評

第九回 除兇暴呂布助司徒

犯長安李傕聽賈詡

弑一君復立一君為所立者未有不疑其弑我亦如前之君也弑一父復歸一父為所歸者未有不疑其弑我亦如前之父也乃獻帝畏董卓而董卓不畏呂布不惟不畏之又復恃之業已恃之又不固結之而反怨怒之讐恨之及其將殺己又復望其援己而呼之嗚呼董卓真蠱人哉

王允勸呂布殺董卓一段文字一急一緩一起一落一反一正一縱一收比李肅勸殺丁建陽更是淋漓痛快今人俱以蔡邕哭卓為非論固正矣然情有可原事有足錄何也士各為知己者死設有人受恩桀紂在他人固為桀紂在此人則堯舜也董卓誠為邕之知己哭而報之殺而殉之不為過也猶勝今之勢盛則借其餘潤勢衰則掉臂去之甚至為操戈為下石無所不至者畢竟蔡邕為君子而此輩則真小人也

呂布去後貂蟬竟不知下落何也曰成功者退神龍見首不見尾正妙在不知下落若必欲問他下落則范大夫泛湖之後又誰知西子蹤跡乎

張東之不殺武三思而被害惡黨固不可赦遺孽固不可留也但李傕郭汜擁兵於外當散其眾而徐圖之不當求之太急以至生變耳故東之之病病在緩王允

之病病在急

却說那撞倒董卓人。正是李儒當下李儒扶起董卓。至書院中坐下。卓曰。汝為何來。

此儒曰。儒適至府門。知太師怒入後園尋問。呂布因急走來。正遇呂布奔去。云太師

殺我。儒慌趕入園中勸解。不意誤撞恩相。死罪死罪。李儒此來只在李儒口中叙明首筆之甚卓曰。匡耐逆賊

戲吾愛姬。誓必殺之。儒曰。恩相差矣。昔楚莊王絕纓之會。不究戲愛姬之蔣雄。後為

秦兵所困。得其死力相救。今貂蟬不過一女子。而呂布乃太師心腹猛將也。太師若

就此機會。以蟬賜布。布感大恩。必以死報太師。太師請自三思。李儒幾破連環計卓沉吟良久

曰。汝言亦是。我當思之。儒謝而出。卓入後堂。喚貂蟬問曰。汝何與呂布私通耶。蟬泣

曰。妾在後園看花。呂布突至。妾方驚避。布曰。我乃太師之子。何必相避。提戟趕妾至

鳳儀亭。妾見其心不良。恐為所迫。欲投荷池。自盡。却被這廝抱住。正在生死之間。得

太師來救了性命。此等巧言溺愛者每為所惑董卓曰。我今將汝賜與呂布。何如。貂蟬大驚哭曰。驚哭是真

假妾身已事貴人。今忽欲下賜家奴。妾寧死不辱。遂掣壁間寶劍欲自刎。亦以死劫之。今日婦人放刁

每以要死恐嚇其夫者卓慌奪劍擁抱曰。吾戲汝。只三字如貂蟬倒於卓懷。掩面大哭曰。此必

李儒之計也。儒與布交厚。故設此計。不顧惜太師體面。與賤妾性命。妾當生啖其肉。

說破李儒尤妙不特卓曰。吾安忍捨汝耶。蟬曰。雖蒙太師憐愛。但恐此處不宜久居。必被

呂布所害。卓曰。吾明日和你歸鄙。去同受快樂。慎勿憂疑。蟬方收淚拜謝。次日李

儒人見曰今日良辰可將貂蟬送與呂布卓曰布與我有父子之分不便賜與我只

不究其罪汝傳我意以好言慰之可也

此處又用一頓是應李儒一半言語不無抑歇之後安得虎頭蛇尾

儒曰太師不可為婦

人所惑卓變色曰汝之妻肯與呂布否貂蟬之事再勿多言言則必斬李儒出仰天

嘆曰吾等皆死於婦人之手矣

雙服劍青龍刀丈八蛇矛俱不及女將軍兵器今日之好色者仔細細

後人讀書至此有詩嘆之曰

司徒妙算託紅裙不用干戈不用兵三戰虎牢徒費力凱歌却奏鳳儀亭

董卓即日下令還郿塢百官俱拜送貂蟬在車上遙見呂布於稠人之內眼望車中

貂蟬虛掩其面如痛哭之狀

假哭是

車已去遠布緩轡於土崗之上眼望車塵嘆息痛

恨恨是真恨忽聞背後一人問曰溫侯何不從太師去乃在此遙望而發嘆

問得

布視之

乃司徒王允也相見畢允曰老夫日來因染微恙閉門不出故久未得與將軍一見

補筆周旋得妙

今日太師駕歸郿塢只得扶病出送却喜得晤將軍請問將軍為何在此長嘆

惟託疾閉門方掩飾得此句不然王允豈有不知之理

布曰老賊

自寵幸久矣允佯大驚曰不信有此事布將前事一一告允允仰面跌足半晌不語

良久乃言曰不意太師作此禽獸之行因挽布手曰且到寒舍商議布隨允歸允延

入密室置酒款待布又將鳳儀亭相遇之事細說一遍允曰太師淫吾之女奪將軍

之妻誠為天下恥笑非笑太師笑允與將軍耳


一轉妙

然允老邁無能之輩不足為道可

皆將軍蓋世英雄亦受此污辱也

又一轉更妙

布怒氣冲天拍案大叫允急曰老夫失語將



軍息怒布曰誓當殺此老賊以雪吾恥允急掩其口曰將軍勿言恐累及老夫

却用反言激

布曰大丈夫生居天地間豈能鬱鬱久居人下允曰以將軍之才誠非董太師

所可限制

此處王允却用順口激

布曰吾欲殺此老賊奈是父子之情恐惹後人議論

允微笑曰將軍自姓呂太師自姓董擲戟之時豈有父子情耶

此處呂布却擲戟字激

布奮然曰

非司徒言布幾自誤允見其意已決便說之曰將軍若扶漢室乃忠臣也青史傳名

流芳百世將軍若助董卓乃反臣也載之史筆遺臭萬年

數語激却家門私怨告以朝廷大義乃是正文

布避席下

拜曰布意已決司徒勿疑允曰但恐事或不成反招大禍

當其奮怒反掩口以止及其遲疑則正言以勸之待其應允又反言以決之凡

用三番曲折王允信是妙人

布拔帶刀刺臂出血為誓允跪謝曰漢祀不斬皆出將軍之賜也切勿泄

漏臨期有計自當相報

伏筆

布慨諾而去允即請僕射士孫瑞司隸校尉黃琬商議瑞

曰方今主上有疾新愈可遣一能言之人往鄙瑯請卓議事一面以天子密詔付呂

布使伏甲兵於朝門之內引卓入誅之此上策也琬曰何人敢去瑞曰呂布同郡騎

都尉李肅以董卓不遷其官甚是懷怨若令此人去卓必不疑允曰善請呂布共議

布曰昔日勸吾殺丁建陽亦此人也

照應前文

今若不去吾先斬之使人密請肅至布曰

昔日公說布使殺丁建陽而投董卓今卓上欺天子下虐生靈罪惡貫盈人神共憤

公可傳天子詔往鄙瑯宣卓入朝伏兵誅之力扶漢室共作忠臣尊意若何肅曰吾

亦欲除此賊久矣恨無同心者耳今將軍若此是天賜也肅豈敢有二心

肅會殺父者呂布也肅前入後

父者李肅也

遂折箭為誓允曰公若能幹此事何患不得顯官

正應道卓不遂其官句應列入李肅耳中

次日李肅引

十數騎前到鄆塢入報天子有詔卓叫喚入

天子有詔坐而受之曰中句有天子二字乎

李肅入拜卓曰天子有

何詔肅曰天子病體新痊欲會文武於未央殿議將禪位於太師故有此詔

中心藏之久矣此語

卓曰王允之意若何

卓賤胸中只喝一王允

肅曰王司徒已命人築禪受臺只等主

公到來

受禪台故事却在後文於此處先虛點一畫有此處之虛乃有後文之實

卓大喜曰吾夜夢一龍罩身今日果得此喜信

此老如何自得

時哉不可失便命心腹將李傕郭汜張濟樊稠四人領飛熊軍三千守

鄆塢自己即日排駕回京顧謂李肅曰吾為帝汝當為執金吾

又許个肅拜謝稱臣卓執金吾

入辭其母母時年九十餘矣

此婦老而不死以待興刑若董卓所殺

問曰吾兒何往卓曰現將往受漢禪母

親早晚為太后也

又許一个太后

母曰吾近日肉顫心驚恐非吉兆卓曰將為國母豈不預有

警報

國母要做只相令孫不肯

遂辭母而行

鳳儀亭戰功將從今日奏凱矣

臨行謂貂蟬曰吾為天子當立汝為貴妃

明知就裡假作歡喜拜謝

鳳儀亭戰功將從今日奏凱矣

卓出塢上車前遮後擁望長安來行不到三

十里所乘之車忽折一輪卓下車乘馬又行不一十里那馬咆哮嘶喊掣斷轡頭卓

問肅曰車折輪馬斷轡其兆若何肅曰乃太師應受漢禪棄舊換新將乘玉輦金鞍

前則其母疑而董卓解之此則董卓疑而李肅又解之董卓解得勉強李肅解得敏捷

之兆也卓喜而信其言次日正行間忽然狂風驟起

昏霧蔽天卓問肅曰此何祥也肅曰主公登龍位必有紅光紫霧以壯天威耳卓又

喜而不疑既至城外百官俱出迎接只有李儒抱病在家不能出迎

卓卓此來無人諫阻正為此耳

卓進

至相府布入賀卓曰吾登九五汝當總督天下兵馬

又許一個總督真是做夢

布拜謝就帳前歇宿

是夜有十數小兒於郊外作歌風吹歌聲入帳歌曰千里草何青青十日上不得生

十里草乃董卓十日上乃卓字不主看言死也

歌聲悲切卓問李肅曰童謠主何吉凶肅曰亦只是言劉氏滅董卓氏

興之意的妙

詞意隱

次日侵晨董卓擺列儀從入朝忽見一道人青袍白巾手執長竿上縛

布一丈兩頭各書一口字

明眼是呂布二字

卓問肅曰此道人何意肅曰乃心恙之人也呼將

士驅去卓進朝群臣各具朝服迎謁於道李肅手執寶劍扶車而行到北掖門軍兵

盡擋在門外獨有御車二十餘人同入董卓遙見王允等各執寶劍立於殿門驚問

肅曰持劍是何意肅不應

到此便不推車直入

王允大呼曰反賊至此武士何在兩旁

轉出百餘人持戟挺槊刺之卓衷甲不入傷膺墮車大呼曰吾兒奉先何在呂布從

車後厲聲出曰有詔討賊

以前呼過無數人親此處忽換一賊字可笑

一戟直刺咽喉

呂布奉丁原以刀殺董卓以戟或刀或戟可謂用力用勞各盡其道

李肅早割頭在手呂布左手持戟右手懷中取詔大呼曰奉詔討賊臣董卓其餘不

問將吏皆呼萬歲後人有詩嘆董卓曰

伯業成時為帝王不成且作富家郎誰知天意無私曲鄙塢方成已滅亡

却說呂布當下大呼曰助卓為虐者皆李儒也誰可擒之李肅應聲願往忽聽朝門

外發喊人報李儒家奴已將李儒綁縛來獻

事此首刀文法直筆

王允命縛赴市曹斬之又將董

卓尸首號令通衢卓尸肥胖看尸軍士以火置其臍中為燈

可憐

膏油滿地百姓過

者莫不手擲其頭足踐其尸王允又命呂布同皇甫嵩李肅領兵五萬至郿塢抄籍

董卓家產人口却說李傕郭汜張濟樊稠聞董卓已死呂布將至便引了飛熊軍連

夜奔涼州去了呂布至郿塢先取了貂蟬呂布心中只為此事皇甫嵩命將塢中所藏良家子女

盡行釋放好但係董卓親屬不分老幼悉皆誅戮卓母亦被殺是欲何太后的報董卓收得好兒子此福善得好兒子

卓弟董卓侄董卓璜皆斬首號令收籍塢中所蓄黃金數十萬白金數百萬綺羅珠寶

器皿糧食不計其數刻利民脂民膏而今安在哉可為貪夫之戒回報王允允乃大犒軍士設宴於都堂召集眾

官酌酒稱慶正飲宴間忽人報曰董卓暴尸於市忽有一人伏其尸而大哭允怒曰

董卓伏誅士民莫不稱賀此何人獨敢哭耶遂喚武士與吾擒來須臾擒至眾官見

之莫不驚駭原來那人不是別人乃侍中蔡邕也蔡邕之哭董卓亦如樂布之哭彭越允叱曰董卓逆賊今

日伏誅國之大幸汝為漢臣乃不為國慶反為賊哭何也邕伏罪曰邕雖不才亦知

大義豈肯背國而向卓只因一時知遇之感不覺為之一哭自知罪大願公見原倘

得黔首刎足使續成漢史以贖其罪邕之幸也若使邕成漢史當尊范曄陳壽之席眾官惜邕之才皆力救

之太傅馬日磾亦密謂允曰伯喈曠世逸才若使續成漢史誠為盛事且其孝行素

著若遽殺之恐失人望本自全孝不全忠今琵琶曲本反說他全忠不能全孝証之甚矣允曰昔孝武不殺司馬遷後使作史

遂致謗書流於後世方今國運衰微朝政錯亂不可令佞臣執筆於幼主左右使吾

等蒙其訕議也王允所見亦是恐其致董卓處有曲重耳日磾無言而退私謂眾官曰王允其無後乎善人國之

紀也。制作國之典也。滅紀廢典，豈能久乎？當下王允不聽馬日磾之言，命將蔡邕下獄，縊死。同一死也。若前日不從董卓而為卓所殺，豈不善乎？為邕惜之。一時士大夫聞者，盡為流涕。後人論蔡邕之哭董卓，固

自不是。允之殺之，亦為已甚。有詩嘆曰：

董卓專權肆不仁，侍中何自竟亡身。當時諸葛隆中臥，安肯輕身事亂臣。

且說李傕、郭汜、張濟、樊稠逃居陝西，使人至長安上表求救。王允曰：「卓之跋扈，皆此

四人助之。今雖大赦天下，獨不赦此四人。」

先赦其罪，使散其兵，而後圖之。未為晚也。此是王允失算。

使者回報，李傕曰：

「求救不得，各自逃生可也。」謀士賈詡曰：「諸君若棄軍單行，則一亭長能縛君矣。不然，

誘集陝人，并本部軍馬，殺入長安，與董卓報讎，事濟奉朝廷以正天下。若其不勝，走

亦未遲。」

只賈詡一言，便使長安大亂。武士兵端起於說士舌端，可畏哉。

傕等然其說，遂流言於西涼州曰：「王允將欲洗蕩此

方之人矣。」眾皆驚惶，乃復揚言曰：「徒死無益，能從我反乎？」眾皆願從。於是聚眾十餘

萬，分作四路殺奔長安來。路逢董卓女婿中郎將牛輔，引軍五千人欲去與丈人報

讐。卓有二婿：李儒、牛輔。儒伏誅，牛輔漏網，何也？李傕便與合兵，使為前驅。四人陸續進發，王允聽知西涼兵來，與呂

布商議，布曰：「司徒放心，量此鼠輩何足數也。」遂引李肅將兵出敵。肅當先迎戰，正與

牛輔相遇，大殺一陣，牛輔抵敵不過，敗陣而去。不想是夜二更，牛輔乘李肅不備，竟

來劫寨。肅軍亂竄，敗走三十餘里。折軍大半，來見呂布。布大怒曰：「汝何挫吾銳氣？遂

斬李肅，懸頭軍門。」憤動人，故父之報不用別人殺之。即用殺父之人殺之，此天道之巧。次日呂布進兵，與牛輔對敵。牛輔如何敵

得呂布仍復大敗而走。是夜牛輔喚心腹人胡赤兒商議曰：呂布驍勇萬不能敵，不

如瞞了李傕等四人，暗藏金珠與親隨三五人棄軍而去。賊徒身分正堪為董卓之婿胡赤兒應允。是

夜收拾金珠棄營而走。隨行者三四人將渡一河，赤兒欲謀取金珠，竟殺死牛輔將

頭來獻呂布。一派賊徒布問起情由，從人出首。胡赤兒謀殺牛輔奪其金寶，布怒即將赤

兒誅殺。胡赤兒之殺牛輔亦如呂布之殺董卓也。知人則明，自知則暗。領軍前進，正迎著李傕軍馬。呂布不等他列陣，便挺

戟躍馬麾軍直衝過來。傕軍不能抵擋，退走五十餘里。依山下寨，請郭汜、張濟、樊稠

共議曰：呂布雖勇，然而無謀，不足為慮。我引軍守住谷口，每日誘他廝殺。郭將軍可

領軍抄擊其後，效彭越、燒楚之法。鳴金進兵，擂鼓收兵。張樊二公却分兵兩路，逕取

長安。彼首尾不能救應，必然大敗。實期固能謀李傕亦善算眾用其計，却說呂布勒兵到山下。李傕

引兵搦戰。布忿怒衝殺過去，傕退走上山。山上矢石如雨，布軍不能進。忽報郭汜在

陣後殺來。布急回戰，只聞鼓聲大震。汜軍已退，布方欲收軍，鑼聲響處，傕軍又來。未

及對敵，背後郭汜又領軍殺到。及至呂布來時，却又擂鼓收軍去了。顧則金鼓以亂之，所以疲其力也。激

得呂布怒氣填胸，一連如此幾日，欲戰不得，欲止不得。正在惱怒，忽然飛馬報來，說

張濟樊稠兩路軍馬竟犯長安。京城危急，布急領軍回。背後李傕郭汜殺來，布無心

戀戰，只顧奔走，折了好些人馬。昔日能擒十八路諸侯，而今日不能勝李郭張樊四軍，何也？豈非得將得帥後勇力已不如前日矣。比及到長安城下，

賊兵雲屯雨集，圍定城池。布軍與戰不利，軍士畏口布暴厲，多有降賊者。布心甚憂

慮。

數日之後董卓餘黨李蒙王方在城中為賊內應偷開城門四路賊軍一齊擁入呂布左衝右突攔擋不住引數百騎往青鎖門外呼王允曰勢急矣請司徒上馬同出關去別圖良策

王允若去是棄天子而去也賄天子以危而已則逃其難王允決不肯為矣

允曰若蒙社稷之靈得安國家吾之願也

若不獲已則允奉身而死臨難苟免吾不為也為吾謝關東諸公努力以國家為念呂布再三相勸王允只是不肯去

王允是漢子

不一時各門火燄冲天呂布只得棄却家小

貂蟬也

引百餘騎飛奔出關投袁術去了李傕郭汜縱兵大掠太常卿种拂太僕魯殖

大鴻臚周奭城門校尉崔烈越騎校尉王頑皆死於國難賊兵圍繞內庭至急侍臣

請天子上宣平門止亂李傕等望見黃蓋約住軍士口呼萬歲獻帝倚樓問曰卿不

候奏請輒入長安意欲何為李傕郭汜仰面奏曰董太師乃陛下社稷之臣無端被

王允謀殺臣等特來報讐非敢造反

如吳楚七國之欲殺晁錯也

但見王允臣便退兵王允時在帝側

聞知此言奏曰臣本為社稷計事已至此陛下不可惜臣以誤國家臣請下見二賊

帝徘徊不忍允自宣平門樓上跳下樓去

王允跳樓勝於楊雄投閣

大呼曰王允在此好王李傕郭汜拔

劍叱曰董太師何罪而見殺允曰董卓之罪彌天亘地不可勝言受誅之日長安士

民皆相慶賀汝獨不聞乎傕汜曰太師有罪我等何罪不肯相赦

本意在此句

王允大罵逆

賊何必多言我王允今日有死而已

王允之死無益不如呂布隨而去然不忍棄天子而走乃其忠也

二賊手起把王允殺於

樓下史官有詩讚曰

王允運機謀 奸臣董卓休 心懷安國恨 眉鎖廟堂憂
英氣連霄漢 忠心貫斗牛 至今魂與魄 猶遶鳳凰樓

眾賊殺了王允一面又差人將王允宗族老幼盡行殺害士民無不下淚當下李傕郭汜尋思曰既到這裡不殺天子謀大事更待何時便持劍大呼殺入內來正是巨魁伏罪災方息從賊縱橫禍又來未知獻帝性命如何且聽下文分解

第十回 勤王室馬騰舉義

報父讎曹操興師

或問予曰天雷擊董卓於身後何不擊董卓於生前擊既死之元凶何不擊方興之從賊予應之曰天有天理亦有天數待其惡貫既盈而後假手於人以殺之是亦氣數使然蓋天理之天不能不聽於天數之天也

賈詡深溝高壘之謀即李左車劫陳餘之策也陳餘不能用左車之言車固遇非其人李傕雖能用賈詡之言詡亦事非其主君子擇主而事可不慎哉馬超如此英勇却怪虎牢關前並不見西涼兵將挺身一戰何也意者馬超此時尚幼未隨父來又或騰馬見袁紹不能用人袁術不肯發糧故無戰心耶不然今日討李郭者馬騰異日受衣帶詔者亦馬騰既已烈烈於後豈得冥冥於前

曹操以荀彧為吾之子房是隱然以高祖自待矣何至加九錫而始知其有不臣之心乎文若不於此時疑之直至後日而始疑之惜哉見之不早也

曹操殺呂伯奢一家是有意陶謙害曹嵩一家是無心曹操遷怒於陶謙猶可言也遷怒於徐州百姓則惡矣至復遷怒於昔日救命之陳宮則尤惡矣惡人有言必踐言之則必行之前日殺呂家是寧可我負人今日欲報讎是不可人負我

却說李郭二賊欲弑獻帝張濟樊稠諫曰不可今日若便殺之恐眾人不順不如仍舊奉之為主賺諸侯入關先去其羽翼然後殺之天下可圖也一欲殺一不殺總是狂寇算計與曹操不同李郭

二人從其言按住兵器帝在樓上宣諭曰王允既誅軍馬何故不退李傕郭汜曰臣等有功王室未蒙賜爵故不敢退軍帝曰卿欲封何爵李郭張樊四人各自寫職銜

獻上勒要如此官品

今道士受籙每自擬職銜以奏天庭想亦用此法也

帝只得從之封李傕為車騎將軍池陽侯領

司隸校尉假節鉞郭汜為後將軍假節鉞同秉朝政樊稠為右將軍萬年侯張濟為

驃騎將軍平陽侯領兵屯弘農其餘李蒙王方等各為校尉然後謝恩只算自封自領何謝之有

兵出城又下令追尋董卓屍首獲得些零碎皮骨以香木雕成形體安湊停當大設

祭祀用王者衣冠棺槨選擇吉日遷葬邨塢臨塋之期天降大雷雨平地水深數尺

曹操七十二疑塚天不一擊之而殲擊董卓之墓者蓋報其發掘陵寢之惡也

李傕候晴再葬是夜又復

霹靂震開其棺屍首提出棺外

曹操中冓禮是人火今雷火消滅是天火

如是三次改葬皆不能葬零皮碎骨悉為雷火消滅

矣且說李傕郭汜既掌大權殘虐百姓密遣心腹侍帝左右觀其動靜獻帝此時舉動荊棘朝廷官員並由二賊陞降因採人望特宣朱雋入朝封為太僕同領朝政

召蔡邕李郭用宋
信正是一樣意思

一日人報西涼太守馬騰并州刺史韓遂二將引軍十餘萬殺奔長安來聲

言討賊原來二將先曾使人入長安結連侍中馬宇諫議大夫种邵左中郎將劉範

三人為內應共謀賊黨三人密奏獻帝封馬騰為征西將軍韓遂為鎮西將軍各受

密詔併力討賊

此處討李郭有密詔後之討
曹操亦有衣帶詔前後一轍

當下李催郭汜張濟樊稠聞二將軍至一同商議

禦敵之策謀士賈詡曰二軍遠來只宜深溝高壘堅守以拒之不過百日彼兵糧盡

必將自退然後引兵追之二將可擒矣

此即李左車
勸陳餘之計

李蒙王方出曰此非好計願借精

兵萬人立斬馬騰韓遂之頭獻於麾下賈詡曰今若即戰必當敗績李蒙王方齊聲

曰若吾二人敗情願斬首吾若戰勝公亦當輸首級與我詡謂李催郭汜曰長安西

二百里盤屋山其路險峻可使張樊兩將軍屯兵於此堅壁守之

此似善甚者下一開
着後來却是耍着

待

李蒙王方自引兵迎敵可也李催郭汜從其言點一萬五千人馬與李蒙王方二人

忻喜而去離長安二百二十里下寨西涼兵到兩個引軍迎去西涼軍馬攔路擺開

陣勢馬騰韓遂聯轡而出指李蒙王方罵曰反國之賊誰去擒之言未絕只見一位

少年將軍面如冠玉眼若流星虎體猿臂彪腹狼腰手執長槍坐騎駿馬從陣中飛

出

寫得
聲勢

原來那將即馬騰之子馬超字孟起年方十七歲英勇無敵王方敗他年幼

躍馬迎戰戰不到數合早被馬超一槍刺於馬下馬超勒馬便回李蒙見王方刺死

一騎馬從馬超背後趕來超只做出不知馬騰在陣門下大呼背後有人追趕聲猶未

絕只見馬超已將李蒙擒在馬上。

二人皆敗不出料

原來馬超明知李蒙追趕却故意延等

他馬近舉槍刺來超將身一閃李蒙糊个空兩馬相並被馬超輕舒猿臂生擒過去

馬超乃五虎將之一此處極寫其勇正為後文伏線

軍士無主望風奔逃馬騰韓遂乘勢追殺大獲全勝直迫隘口下

寨把李蒙斬首號令李催郭汜聽知李蒙王方皆被馬超殺了方信賈詡有先見之

明重用其計只理會緊守關防由他搦戰並不出迎果然西涼軍未及兩月糧草俱

乏商議回軍恰好長安城中馬宇家僮出首家主與劉範种邵外連馬騰韓遂欲為

內應等情

後來董承謀討曹操亦被家僮所首前後又出一轍

李催郭汜大怒盡收三家老少良賤斬於市把三顆

首級直來門前號令馬騰韓遂見軍糧已盡

勢不得不去○起義之兵却因食盡而退前有孫堅後有韓馬為之一嘆

內應又泄一

信要只得拔寨退軍李催郭汜令張濟引軍趕馬騰樊稠引軍趕韓遂西涼軍大敗馬

超在後死戰殺退張濟

畢竟馬超私於韓遂

樊稠去趕韓遂看看趕上相近陳倉韓遂勒馬向樊

稠曰吾與公乃同鄉之人今日何太無情

國長不足以動之而但以鄉情動之

樊稠也勒住馬答曰上命不

可違韓遂曰吾此來亦為國家耳公何相迫之甚也

先通細情後說國義

樊稠聽罷撥轉馬頭收

兵回寨讓韓遂去了不提防李催之姪李別見樊稠放走韓遂回報其叔李催大怒

便欲興兵討樊稠賈詡曰日今人心未寧煩動干戈深為不便不若設一宴請張濟

樊稠慶功就席間擒稠斬之毫不費力

賈詡為催謀每局中故惜乎事非其主

李催大喜設宴請張濟樊稠

二將欣然赴宴酒半闌李催忽變色曰樊稠何故交通韓遂欲謀造反稠大驚未及

回言只見刀斧手擁出早把樊稠斬首於案下樊稠猶知同鄉之情李惟更不念同事之情嚇得張濟俯伏於地

李惟扶起曰樊稠謀反故爾誅之公乃吾之心腹何須驚懼就將樊稠軍撥與張濟

管領張濟自回弘農去了張濟此時亦當心變而終從李惟非丈夫也李惟郭汜自戰敗西涼兵諸侯莫敢誰何

賈詡屢勸撫安百姓結納賢豪自是朝廷微有生意此等舉動比之李鴻勳投百姓大不相同惜其意惡至今受人吐罵不想青

州黃巾又起聚眾數十萬頭目不等劫掠良民黃巾與李郭等真是聲應氣求有董卓作之於上自有黃巾餘黨應之於下太僕朱

雋保舉一人可破群賊李惟郭汜問是何人朱雋曰要破山東群賊非曹孟德不可

從李惟引出黃巾又從黃巾引出曹操下文獨詳叙曹操事此正逼接枝葉處也李惟曰孟德今在何處雋曰見任東郡太守廣有軍兵

若命此人討賊賊可剋日而破也李惟大喜星夜草詔差人齎往東郡命曹操與濟

北相鮑信一同破賊又添出鮑信陪之操領了聖旨會合鮑信一同興兵擊賊於壽陽鮑信殺

入重地為賊所害此處了操追趕賊兵直到濟北降者數萬操即用賊為前驅兵馬到

處無不降順不過百餘日招安到降兵三十餘萬男女百餘萬口操擇精銳者號為

青州兵其餘盡令歸農曹操自此威名日重捷書報到長安朝廷加曹操為鎮東將

軍操在兗州招賢納士有叔侄二人來投操先來乃潁州潁陰人姓荀名或字文若

荀昆之子也舊事袁紹今棄紹投操操與語大悅曰此吾之子房也隱然以高祖自待遂以為

行軍司馬其姪荀攸字公達海內名士曾拜黃門侍郎後棄官歸鄉今與其叔同投

曹操操以為行軍教授荀或曰某聞兗州有一賢士今此人不知何在操問是誰或

曰乃東郡東阿人。姓程名昱。字仲德。

出一人薦

操曰吾亦聞名久矣。遂遣人於鄉中尋問。

訪得他在山中讀書。操拜請之。程昱來見。曹操大喜。昱謂荀彧曰。某孤陋寡聞。不足

出一人薦

當公之薦。公之鄉人。姓郭名嘉。字奉孝。

出一人薦

乃當今賢士。何不羅而致之。或猛省

曰。吾幾忘却。遂啓操徵聘郭嘉到兗州。共論天下之事。郭嘉薦光武嫡派子孫淮南

出一人薦

成德人。姓劉名曄。字子陽。

出一人薦

操即聘曄至。曄又薦二人。一个是山陽昌邑人。姓

滿名寵。字伯盛。一个是武城人。姓呂名虔。字子恪。

出一人薦

曹操亦素知這兩個名譽。就

聘為軍中從事。滿寵呂虔共薦一人。乃陳留平丘人。姓毛名玠。字孝先。

出一人薦

曹操亦

聘為從事。又有一將引軍數百人來投曹操。

出一人薦

乃泰山鉅平人。姓于名禁。字文則。

操見其人。弓馬熟嫻。武藝出眾。命為典軍司馬。一日夏侯惇引一大漢來見。

出一人薦

是前所見者。名而後引見。惟夏侯惇所薦先引

見而後通姓名。又是一樣筆法。操問何人。惇曰。此乃陳留人。姓典名韋。勇力過人。舊跟張邈

與帳下人不和。手殺數十人。逃竄山中。惇出射獵。見韋逐虎過澗。因收於軍中。今特

薦之於公。

典韋來歷只在夏侯惇口中叙出好

操曰。吾觀此人。容貌魁梧。必有勇力。惇曰。他曾為友報讎。殺

人提頭直出關市。數百人不敢近。只今所使兩枝鐵戟。重八十斤。挾之上馬。運使如

典韋來歷只在夏侯惇口中叙出好

飛。操令韋試之。韋挾戟驟馬。往來馳騁。忽見帳下大旗。為風所吹。爰爰欲倒。眾軍士

挾持不定。韋下馬喝退眾軍。一手執定旗杆。立於風中。巍然不動。操曰。此古惡來也。

惡來。遂命為帳前都尉。解上身錦襖及駿馬雕鞍賜之。

自是曹操部下。文有

謀臣武有猛將威鎮山東

一句

乃遣泰山太守應劭往瑯琊郡迎父曹嵩

曹嵩字季知是上

外而輕內不去動王先去

高自陳留避難隱居瑯琊當日接了書信便與弟曹德及一家老

小四十餘人帶從者百餘人車百餘輛逕望兗州而來道經徐州太守陶謙字恭祖

為人溫厚純篤向欲結納曹操正無其由

陶謙字恭祖何人而必欲結納之耶

知操父經過遂出境迎接

再拜致敬大設筵宴款待兩日曹嵩要行陶謙親送出郭特差都尉張闔將部兵五

百護送

誰知為好反成怨

曹嵩率家小行到華費時夏末秋初大雨驟至只得投一古寺歇宿

寺僧接入嵩安頓家小命張闔將軍馬屯於兩廊眾軍衣裝都被雨打濕同聲嗟怨

張闔喚手下頭目於靜處商議曰我們本是黃巾餘黨勉強降順陶謙未有好處如

今曹嵩輜重車輛無數你們欲得富貴不難只就今夜三更大家斫將入去把曹嵩

一家殺了取了財物同往山中落草此計如何

曹嵩計重而取知又受軍中之害

眾皆應允是夜風雨未

息曹嵩正坐忽聞四壁喊聲大舉曹德提劍出看就被斃死曹嵩方引一妾奔入方

丈後欲越牆而走妾肥胖不能出高慌急與妾躲於廁中被亂軍所殺

是曹操殺呂伯奢全家之報呂家害

在一猪曹家并妾亦一猪也

應劭死命逃脫投袁紹去了張闔殺盡曹嵩全家取了財物放火燒寺與

五百人逃走淮南去了後人有詩曰

曹操奸雄世所誇曾將呂氏殺全家如今闔戶逢人殺天理循環報不差

當下應劭部下有逃命的軍士報與曹操操聞之哭倒于地眾人救起操切齒曰陶

謙縱兵殺吾父。此讐不共戴天。吾今悉起大軍洗蕩徐州。方雪吾恨。遂留荀彧程昱

領軍三萬守鄆城范縣東阿三縣。

此二人為後來敵官有伏線

其餘盡殺奔徐州來。夏侯惇于禁典韋

為先鋒操令但得城池將城中百姓盡行屠戮以雪父讐。

讐更無理

當有九江太守邊

讓與陶謙交厚。聞知徐州有難。自引兵五千來救。操聞之大怒。使夏侯惇於路截殺

之。

後使琳檄以此罪操

時陳宮為東郡從事亦與陶謙交厚。聞曹操起兵報讐欲盡殺百姓。星夜

前來見操。

自前卷客店中一去不返

操知是為陶謙作說客欲待不見。又滅不過舊恩只得

請入帳中相見。宮曰。今聞明公以大兵臨徐州報尊父之讐。所到欲盡殺百姓。某因

此特來進言。陶謙乃人仁君子。非好利忘義之輩。尊父過害乃張閭之惡。非謙罪也。

且州縣之民與明公何讐。殺之不祥。望三思而行。操怒曰。公昔棄我而去。今有何面

目復來見我。

意怒陳宮無理

陶謙殺吾一家。誓當摘膽剜心以雪吾恨。

何人之胆則何人之心以雪其

恨。公雖為陶謙遊說。其如吾不聽。何陳宮辭出。嘆曰。吾亦無面目見陶謙也。遂馳馬

投陳留太守張邈去了。

為後文使呂布攻徐州張本

且說操大軍所到之處。殺戮人民。發掘墳墓。此

亦在陳琳檄中

陶謙在徐州聞曹操起軍報讐殺戮百姓。仰天慟哭曰。我獲罪於天。致使徐州

之民受此大難。急聚眾官商議。曹豹曰。曹軍既至。豈有束手待死。某願助使君破之。

陶謙只得引兵出迎。遠望操軍如鋪霜湧雪中。軍豎起白旗一面。大書報讐雪恨四

字。鵠得如此聲言者至此為陶

軍馬列成陣勢。曹操縱馬出陣。身穿縞素。揚鞭大罵陶謙。

亦出於門旗下。欠身施禮曰：「謙本欲結好明公，故託張闔護送，不想賊心不改，致有此事。實不干陶謙之故。」望明公祭之。操大罵曰：「老匹夫殺吾父，尚敢亂言！誰可生擒老賊？」夏侯惇應聲而出。陶謙慌走入陣。夏侯惇趕來，曹豹挺槍躍馬前來迎敵。兩馬相交，忽然狂風大作，飛沙走石，兩軍皆亂，各自收兵。此時亦天不敵絕徐州百姓也陶謙入城，與眾計議曰：「曹兵勢大難敵，吾當自縛往操營，任其割割，以救徐州百姓之命。」憂在百姓仁人之言言未絕，一人進前言曰：「府君久鎮徐州，人民感恩，今曹兵雖眾，未能即破我城府。君與百姓堅守勿出，某雖不才，願施小策，教曹操死無葬身之地。眾人大驚，便問計將安出，正是。」

本為納交反成怨，那知絕處又逢生。畢竟此人是誰，且聽下文分解。



第一才子書卷六

聖嘆外書

茂苑毛宗崗序始氏評

第十一回 劉皇叔北海救孔融

呂溫侯漢陽破曹操

本是陶謙求救却弄出孔融求救本是太史慈救孔融却弄出劉玄德救孔融本是孔融求玄德却弄出陶謙求玄德本是玄德退曹操却弄出呂布退曹操種種變化令人測摸不出

看前卷曹操咬牙切齒秣馬厲兵觀者必以為此卷中定然踏平徐州碎割陶謙矣不意虎頭蛇尾竟自解圍而去所以然者操以兗州為家無兗州則無家也顧家之情重遂使報父之情輕故乘便賣个人情與劉備嗟乎天下豈有報父讎而可賣人情者乎孝子報讎不復顧身奈何顧家而遂中止乎太史慈為母報德而終以克報慈誠孝子也曹操為父報讎而竟不克報以操非孝子故也

劉備之辭徐州為真辭耶為假辭耶若以為真辭則劉璋之益州且奪之而陶謙之徐州反讓之何也或曰辭之愈力則受之愈隱大英雄人往往有此算計人自不知耳

却說獻計之人乃東海朐縣人姓糜名竺字子仲此人家世富豪嘗往洛陽買賣乘車而回路遇一美婦人來求同載竺乃下車步行讓車與婦人坐婦人請竺同載竺上車端坐目不和視其寔難得行及數里婦人辭去臨別對竺曰我乃南方火德星君也

雖為中女火固屬陰故火災化為婦人

奉上帝勅往燒汝家。感君相待以禮，故明告君。君可速歸，搬出財物。吾

當夜來言訖不見。

心火不動，天火亦不為害。然今之能為三者，幾人哉？天火安能燒得許多也。

天驚飛奔到家，將家中所有疾忙搬

出。是晚果然，廚中火起，盡燒其屋。因此廣捨家財，濟貧救苦。後陶謙聘為別駕，從

事。夾叙秦三一段閒情，叙事到極急時，偏用一緩。

當日獻計曰：「某願親往北海郡求孔融起兵救援，更得一人往

青州田楷處求救。若二處軍馬齊來，操必退兵矣。」謙從之，遂寫書二封，問帳下誰人

敢去青州求救。一人應聲願往，眾視之，乃廣陵人，姓陳名登，字元龍。陶謙先打發陳

元龍往青州去訖。

略過青州一過下，便叙詳北海一邊。

然後命糜竺齎書赴北海，自己率眾守城，以備攻擊。

却說北海孔融，字文舉，魯國曲阜人也。孔子二十世孫泰山都尉孔宙之子，自小聰

明年十歲時，往謁河南尹李膺。聞人難之，融曰：「我係李相通家，及入見，膺問曰：『汝祖

與吾祖何親？』融曰：『昔孔子曾問禮於老子，融與君累世通家。』

好機刺投人者多寫通家想亦學孔融而誤也。

膺大

奇之。少頃，大中大夫陳煒至，膺指融曰：「此奇童也。」煒曰：「小時聰明，大時未必聰明。」融

即應聲曰：「如所言。」君幼時必聰明者。

口角失利，咄咄逼人。

煒等皆笑曰：「此子長成，必當代之偉器。」

也。自此得名，後為中郎將。累遷北海太守，極好賓客。

今之寫通家帖拜客者，偏多怪言，未必好客。此孔融之所以不可及也。

常曰：

「座上客常滿，樽中酒不空，吾之願也。」

商懷憤今世無孔融，我亦欲寫通家帖拜投門下矣。

在北海六年，甚得民心。又夾叙孔融一

設開文叙事到極急時，又用一緩筆。當日正與客坐，人報徐州糜竺至。融請入見，問其來意。竺出陶謙書，言曹操攻圍甚多，望明公垂救。融曰：「吾與陶恭祖交厚，子仲又親到此，如何不去？只是

曹孟德與我無讎當先遣人送書解和如其不從然後起兵

曰操倚重兵威決不肯和融教一面點兵一面差人送書正商議間忽報黃巾賊黨管亥部領群寇數萬

殺奔前來

此數萬人突如其來怪絕

孔融大驚急點本部人馬出城與賊迎戰管亥出馬曰吾知北

海糧廣可借一萬石即便退兵不然打破城池老幼不留孔融叱曰吾乃大漢之臣

守大漢之地豈有糧米與賊耶管亥大怒拍馬舞刀直取孔融融將宗寶挺槍出馬

戰不數合被管亥一刀砍宗寶於馬下孔融兵大亂奔入城中管亥分兵四面圍城

孔融心中鬱悶糜竺懷愁更不可言

糜竺此時其意難通

次日孔融登城遙望賊勢浩大倍深憂

惱忽見城外一人挺槍躍馬殺入賊陣左冲右突如入無人之境直到城下大叫開

門此一人又突如其來怪絕

孔融不識其人不敵開門賊眾趕到河邊那人回身連搦十數人下馬

對是賊眾倒退融急命開門引入其人下馬棄槍逕到城上拜見孔融融問其姓名對

曰某東萊黃縣人也覆姓太史名慈

其名曰慈其人則孝

字子義老母重蒙恩顧某昨自遼東回家省親

知賊寇城老母說屢受府君深恩汝當往救某故單馬而來

曹操為父報讐太史慈為母報德

孔融大喜

原來孔融與太史慈雖未識面却曉得他是个英雄因他遠出有老母住在離城二

十里之外融常使人遺以粟帛母感融德故特使慈來救

好客而惠及其母固當得此報

當下孔融重待

太史慈贈與衣甲鞍馬慈曰某願借精兵一千出城殺賊融曰君雖英雄然賊勢甚

盛不可輕出慈曰老母感君厚德特遣慈來如不能解圍慈亦無顏見母矣

的是孝子聲願

決一死戰融曰吾聞劉玄德乃當世英雄若請他得來相救此圍自解只無人可使

耳慈曰府君修書某當急往

糜竺方為國謀求救於孔融太史慈又為孔融求救於劉備更幻之極

融喜修書付慈慈懷甲上馬

腰帶弓矢手持鉄槍飽食嚴裝城門開處一騎飛出近河賊將率眾來戰慈連搦死

數人透圍而出管亥知有人出城料必是請救兵的便自引數百騎趕來八面圍定

慈倚住槍拈弓搭箭八面射之無不應弦落馬賊眾不敢來追

英勇之極

太史慈得脫星夜

投平原來見劉玄德施禮罷具言孔北海被圍求救之事呈上書札玄德看畢問慈

曰足下何人慈曰某太史慈東海之鄙人也與孔融親非骨肉比非鄉黨特以氣誼

相投有分憂共患之意

語語打動玄德妙

今管亥暴亂北海被圍孤窮無告危在旦夕聞君仁

義素著能救人危急故特令某冒鋒突圍前來求救玄德歛容答曰孔北海知世間

有劉備耶

自負語亦航語

乃同雲長翼德點精兵三千往北海郡進發管亥望見救軍來到

親自引兵迎敵因見玄德兵少不以為意玄德與關張太史慈立馬陣前管亥忿怒

直出太史慈却待向前雲長早出

破黃巾賊却用一衆青巾者可謂以木起土

直取管亥兩馬相交眾軍大喊量

管亥怎敵得雲長數十合之間青龍刀起劈管亥於馬下太史慈張飛兩騎齊出雙

槍並舉殺入賊陣玄德驅兵掩殺城上孔融望見太史慈與關張趕殺賊眾如虎入

羊群縱橫莫當

只八字寫得何等聲勢

便驅兵出城兩下夾攻大敗群賊降者無數餘黨潰散

謂破黃巾孔融迎接玄德入城叙禮畢大設筵宴慶賀又引糜竺出見玄德具言張閭

殺曹嵩之事。今曹操縱兵大掠。圍住徐州。特來求救。玄德曰：陶恭祖乃仁人君子。不

意受此無辜之冤。孔融曰：公乃漢室宗親。今曹操殘害百姓。倚強欺弱。何不與融同

往救之。玄德曰：備非敢推辭。奈兵微將寡。恐難輕動。孔融曰：融之欲救陶恭祖。雖因

舊誼。亦為大義。公豈獨無仗義之心耶。激屬玄德曰：既如此。請文舉先行。容備去公

孫瓚處借三五千馬。隨後便來。融曰：公切勿失信。玄德曰：公以備為何如人耶。正

北海和問有劉備句相照聖人云：自古皆有死人。無信不立。劉備借得軍。或借不得軍。然必親至。孔

融應允。教糜竺先回徐州去報。融便收拾起程。太史慈拜謝曰：慈奉母命前來相助。

今幸無虞。有揚州刺史劉繇與慈同郡。有書來喚不敢不去。容圖再見。融以金帛相

酬。慈不肯受而歸。何不謂之可憐可憐其母見之喜曰我喜汝有以報北海也子慈是孝子母是賢母遂遣慈往

揚州去了。為後伏線不說孔融起兵。且說玄德投北海。來見公孫瓚。具說欲救徐州之事。

瓚曰：曹操與君無讐。何苦替人出力。玄德曰：備已許人。不敢失信。瓚曰：吾借與君馬

步軍二千。玄德曰：更望借趙子龍一行。未嘗謂更忘此人瓚許之。玄德遂與關張引本部三千

人為前部。子龍引二千軍隨後往徐州來。却說糜竺回報陶謙言北海又請得劉玄

德來助。陳元龍也回報青州田楷欣然領兵來救。一邊定叙一邊虛叙妙陶謙心安。原來孔融田楷

兩路軍馬懼怕曹操勢猛。遠遠依山。下寨未敢輕進。曹操見兩路軍到。亦分了軍勢。

不敢向前攻城。却說劉玄德軍到。見孔融。融曰：曹兵勢大。操又善於用兵。未可輕戰。

且觀其動靜。然後進兵。玄德曰。但恐城中無糧。難以久持。備令雲長子龍領軍四千。在公部下相助。備與張飛殺奔曹營。逕投徐州去見陶使君商議。

畢竟玄德大喜。

會合

田楷為犄角之勢。雲長子龍領兵兩邊接應。是日玄德張飛引一千人馬殺入曹兵

寨邊。正行之間。寨內一聲鼓響。馬軍步軍如潮似浪擁眾出來。當頭一員大將。乃是

于禁。勒馬大叫。何處狂徒。往那裡去。張飛見了。更不打話。直取于禁。兩馬相交。戰到

數合。玄德掣雙股劍。麾兵大進。于禁敗走。張飛當前追殺。直到徐州城下。城上望見

紅旗白字。大書平原劉玄德。陶謙急令開門。玄德入城。陶謙接着。共到府衙禮畢。設

宴相待。一面勞軍。陶謙見玄德一表軒昂。語言豁達。心中大喜。便令糜竺取徐州牌

印讓與玄德。

陶恭祖一讓徐州。

玄德愕然曰。公何意也。謙曰。今天下擾亂。王綱不振。公乃漢室

宗親。正宜力扶社稷。老夫年邁無能。情願將徐州相讓。公勿推辭。謙當自寫表文申

奏朝廷。玄德離席再拜曰。劉備雖漢朝苗裔。功微德薄。為平原相。猶恐不稱職。今為

大義故來相助。公出此言。莫非疑劉備有吞併之心耶。若舉此念。皇天不佑。謙曰。此

老夫之實情也。再三相讓。玄德那裡肯受。

真耶。

糜竺進曰。今兵臨城下。且當商議退

敵之策。待事平之日。再當相讓可也。玄德曰。備當遺書與曹操。勸令解和。操若不從。

廝殺未遲。於是傳檄三寨。且按兵不動。遣人齎書。以達曹操。却說曹操正在軍中。與

諸將議事。人報徐州有戰書到。操拆而觀之。乃劉備書也。書略曰。

備自關外得拜君顏嗣後天各一方不及趨侍向者尊父曹侯實因張閭不仁以致被害非陶恭祖之罪也目今黃巾遺孽擾亂於外董卓餘黨盤居於內顧明公

先朝廷之急而後私讎撤徐州之兵以救國難則徐州幸甚天下幸甚

書好

曹操看書大罵劉備何人敢以書來勸我且中間有譏諷之意命斬來使一面竭力攻城郭嘉諫曰劉備遠來救援先禮後兵主公當用好言答之以慢備心然後進兵

攻城城可破也操從其言欲留來使候發回書正商議間忽流星馬飛報禍事

令人測摸不出

操問其故報說呂布已襲破兖州進據濮陽

真是急想不到

原來呂布自遭李郭之亂逃出

武關竟投袁術術怪呂布反覆不定拒而不納投袁紹紹之與布共破張燕於常

山布自以為得志傲慢袁紹手下將士紹欲殺之布乃去投張楊楊納之時龐舒在

長安城中私藏呂布妻小送還呂布李傕郭汜知之遂斬龐舒寫書於張楊教殺呂

布布因棄張楊去投張邈

呂布出關後事附補於此

恰好張邈弟張超引陳宮來見張邈宮說邈曰今

天下分崩英雄並起君以千里之眾而反受制於人不亦鄙乎今曹操征東兖州空

虛而呂布乃當世勇士若與之共取兖州伯業可圖也

陳宮妙人

張邈大喜便令呂布襲破

兖州隨據濮陽止有鄆城東阿范縣三處被荀彧程昱設計死守得全

荀彧守其前

其餘俱

破曹仁屢戰皆不能勝特此告急

不是劉備救陶謙却是呂布救陶謙亦不是呂布救陶謙乃是陳宮救陶謙也

操聞報大驚曰兖州有

失使吾無家可歸矣不可不亟圖之

欲報父讐奈何

郭嘉曰主公正好賣個人情與劉備退

軍去復兗州

報讐何事可
賣人情乎

操然之。即時答書與劉備，拔寨退兵。

前寫曹操威怒有不可禦之勢，不意却作如此收局，奇幻。

說來使回徐州，入城見陶謙，呈上書札，言曹兵已退，大喜。差人請孔融、田楷、雲長、子龍等赴城大會。

眾軍齊赴，必謂一場大戰矣。不意曹兵已不戰而退，奇幻。

飲宴既畢，謙延玄德於上座，拱手對眾曰：「老夫年邁，二子不才，不堪國家重任。劉公乃帝室之胄，德高才廣，可領徐州。老夫情願乞閒養病。」

陶恭祖二
讓徐州

玄德曰：「孔文舉令備來救徐州，為義也。今無端據而有之，天下將以備為無義人矣。」糜竺曰：「今漢室凌遲，海宇顛覆，樹功立業，正在此時。徐州殷富，戶口百萬，劉使君領此，不可辭也。」

糜竺亦看
上玄德了

玄德曰：「此事決不敢應命。」陳登曰：「陶府君多病，不能視事，明公勿辭。」玄德曰：「袁公路四世三公，海內所歸，近在壽春，何不以州讓之？」孔融曰：「袁公路塚中枯骨。」

四字寫
得惡

何足掛齒。今日之事，天與不取，悔不可追。玄德堅執不肯。陶謙泣下曰：「君若捨我而去，吾死不瞑目矣。」雲長曰：「既承陶公相讓，兄且權領州事。」張飛曰：「又不是我強要他的州郡，他好意相讓，何必苦苦推辭？」

說得
爽利

玄德曰：「汝等欲陷我于不義耶？」陶謙推讓者三，玄德只是不受。

真耶

陶謙曰：「如玄德必不肯從，此間近邑名曰小沛，足可屯軍，請玄德暫駐此邑，以保徐州。」何如？」眾皆勸玄德留小沛。

玄德從之。陶謙勞軍已畢，趙雲辭去。玄德執手揮淚而別。孔融、田楷亦各相別。引軍自回。玄德與關、張引本部軍來至小沛，修葺城垣，撫諭居民。

高祖起於沛，玄德亦居小沛，可稱小沛公。

却說曹操回軍，曹仁接着言呂布勢大，更有陳宮為輔，兗州已失，其鄆城東阿、范縣三處賴荀

或程昱二人設計相連死守城郭。操曰：吾料呂布有勇無謀，不足慮也。教且安營下寨。

再作商議。呂布知曹操回兵已過，滕縣召副將薛蘭、李封曰：吾欲用汝二人久矣。

汝可引軍一萬，堅守兖州。我自率兵前去破曹。二人應諾。陳宮急入見曰：將軍棄兖

州欲何往乎？布曰：吾欲屯兵濮陽，以成鼎足之勢。宮曰：差矣。薛蘭必守兖州，不住

此去正南一百八十里泰山路險，可伏精兵萬人在彼。曹兵聞失兖州，必然倍道而

進，待其過半，一擊可擒也。洵是妙策布曰：吾屯濮陽，別有良謀。汝豈知之？遂不用陳宮之言。

而用薛蘭守兖州而行。曹操兵行至泰山險路，郭嘉曰：且不可進，恐此處有伏兵。

郭嘉暗曹操笑曰：呂布無謀之輩，故教薛蘭守兖州，自往濮陽，安得此處有埋伏耶？布

不聽陳宮之言，曹操又暗料看教曹仁領一軍圍兖州。吾進兵濮陽，速攻呂布。陳宮聞曹兵至近，乃獻

計曰：今曹兵遠來疲困，利在速戰，不可養成氣力。布曰：吾匹馬縱橫天下，何愁曹操

待其下寨，吾自擒之。却說曹操兵近濮陽下住寨，脚次日引眾將出，陳兵于野。操立

馬于門旗下，遙望呂布兵到陣圍處。呂布當先出馬，兩邊排開八員健將。第一個鴈

門馬邑人，姓張名遼，字文遠，第二個泰山華陰人，姓臧名霸，字宣高。兩將又各引六

員健將。郝萌、曹性、成廉、魏續、宋憲、侯成，布軍五萬，鼓聲大震。操指呂布而言曰：吾與

汝自來無讎，何得奪吾州郡？布曰：漢家城池，諸人有分，偏爾合得。極無理語，來却是有理便叫臧

霸出馬，搦戰曹軍。內樂進出迎，兩馬相交，雙槍齊舉，戰到三十餘合，勝負不分。夏侯

惇拍馬便出助戰。呂布陣上張遼截住，廝殺惱得呂布性起，挺戟驅馬衝出陣來。夏

侯樂進皆走。呂布掩殺曹軍大敗，退三四十里。布自收軍，曹操輸了一陣，回寨與諸

將商議。于禁曰：「某今日上山觀望，濮陽之西呂布有一寨，約無多軍。今夜彼將謂我

軍敗走，必不準備，可引兵擊之。若得寨，布軍必懼，此為上策。」操從其言，帶曹洪、李典

、毛玠、呂虔于禁、典韋六將，選馬步二萬人，連夜從小路進發。却說呂布於寨中勞軍，

陳宮曰：「西寨是個要緊處，倘或曹操襲之，如何？」布曰：「他今日輸了一陣，如何敢來？」

宮曰：「曹操是善能用兵之人，須防他攻我不備。」于禁之諫陳宮又暗暗料着布乃撥高順并魏續、侯成

引兵往守西寨，却說曹操於黃昏時分引軍至西寨四面突入。寨兵不能抵擋，四散

奔走。曹操奪了寨，將及四更高順方引軍到，殺將入來。呂兵未至而寨已奪可見曹操行軍之速曹操自引軍

馬來迎，正逢高順三軍混戰，將及天明，正西鼓聲大震。人報呂布親自引救軍來了。操

棄寨而走。既奪而使之不能不棄可見陳宮慮敵之妙背後高順、魏續、侯成趕來，當頭呂布親自引軍來到于禁

寨，進雙戰。呂布不住操望北而行。山後一彪軍出，左有張遼，右有臧霸。操使呂虔、曹

洪戰之，不利。操望西而走，忽又喊聲大震。一彪軍至，却前曹性、成廉、宋憲四將攔住

去路。殺得好，看陳宮兵法頗妙眾將死戰。操當先衝陣，梆子響處，箭如驟雨射將來。操不能前進，無計

可脫，大叫誰人救我。馬軍隊裡一將踊出，乃典韋也。手挺雙鐵戟，大叫「主公勿憂，飛

身下馬，撐住雙戟，取短戟十數枝，挾在手中。」呂布一戰典韋及戰奇矣，乃不用兩戟而用無數小戟更奇顧從人曰：「賊來十

步乃呼我。奇遂放開脚步。冒箭前行。布軍數十騎追至。從人大叫曰：「十步矣。」韋曰：「五步乃呼我。」奇從人又曰：「五步矣。」韋乃飛戟刺之一戟。一人墜馬。並無虛發。百步箭不敵五步奇絕立殺十數人。眾皆奔走。韋復飛身上馬。挺一雙大鐵戟衝殺入去。忽上馬忽下馬忽用戟忽用大戟寫其韋如生龍活虎和曹侯宋四將不能抵當。各自逃去。典韋殺散敵軍。救出曹操。眾將隨後也到尋路歸寨。看看天色傍晚。背後喊聲起處。呂布驟馬提戟趕來。大叫：「操賊休走。」此時人馬困乏。大家面面相覷。各欲逃生。正是：

雖能暫把重圍脫。只怕難當勁敵追。

不知曹操性命如何。且聽下文分解。

第十二回

陶恭祖三讓徐州

曹孟德大戰呂布

糜竺家中之火。天火也。濮陽城中之火。人火亦天火也。糜竺知燒而避其燒。天所以全君子也。曹操不知燒而亦不死於燒。所以留奸雄也。全君子是天理。留奸雄是天數。

曹操既據兗州。且將壯取冀。安得不東取徐。是徐州固操所必爭也。今雖暫舍之而去。其志豈能須臾忘徐州哉。玄德雖受陶謙之讓。吾知終非其有。爾荀文若曰：「河濟之地。昔之關中河內也。是隱然以高祖光武之所為教曹操矣。迨其後自加九錫而惡其不臣。豈始既教之。而後復惡之耶。」坡公稱文若為聖人。吾未敢信。呂布聽陳宮之言而輒勝。不聽陳宮之言而輒敗。宮誠智矣。然田氏之叛。乃宮教

之也。何也？先啓其機也。若其老手，只須自用一人，假作田使，不必使田氏知之。

曹操正慌走，聞正南上一彪軍到，乃夏侯惇引軍來救援，截住呂布。大戰關到黃昏

時分。自昨夜黃昏時分直到今，夜黃昏時分好一場大殺。大雨如沮，各自引軍分散。操回寨重賞典韋，加為領軍都尉。

却說呂布到寨，與陳宮商議。宮曰：「濮陽城中有富戶田氏家僮千百，為一郡之巨室，

可令彼密使人往操寨中下書，言呂溫侯殘暴不仁，民心大怨。後呂布之敗果然為此兩句。今欲移兵

黎陽，止有高順在城內，可連夜進兵。我為內應。不想後來美成真。操若來，誘之入城，四門放火。

外設伏兵。曹操雖有經天緯地之才，到此安能得脫也？呂布從其計，密諭田氏使人

逕到操寨。操因新敗，正在躊躇，忽報田氏人到，呈上密書。云：「呂布已往黎陽，城中空

虛，萬望速來，當為內應。」城上插白旗，大書「義字」，便是暗號。前日曹操在徐州城外，以白旗不敵操，今日呂布在濮陽城中，以白旗行詐。

大喜曰：「天使我得濮陽也！」重賞來人。一面收拾起兵。劉曄曰：「布雖無謀，陳宮多計，只

恐其中有詐，不可不防。」明公欲去，當分三軍為三隊，兩隊伏城外，接應一隊入城，方

可。操之不死，于是役全虧劉曄此教語。操從其言，分軍三隊來至濮陽城下。操先往觀之，見城上遍豎旗幡，

西門角上有一「義字」白旗。此時只此一片白旗，知少頃弄出一片紅心。心中暗喜，是日午牌城門開處，兩員將引軍

出戰。前軍侯成，後軍高順。操即使典韋出馬，直取侯成。侯成抵敵不過，回馬望城中

走。韋趕到吊橋邊，高順亦攔當不住，都退入城中去了。內有數軍人乘勢混過陣來，

見操說是田氏之使，呈上密書約云：「今夜初更時分，與前番黃昏時分相照。城上鳴鑼為號，便可

進兵某當獻門操撥夏侯惇引軍在左曹洪引軍在右自己引夏侯淵李典樂進典

韋四將率兵入城李典曰主公且在城外容某等先入城去李典所見亦是操喝曰我自不往

誰肯向前遂當先領兵直入時約初更月光未上將寫火光之明先寫月光之暗以形之○前寫黃昏有雨今寫初更無月忙中偏有此閑筆只

聽得西門上吹鼙聲喊聲忽起門上火把繚亂城門大開吊橋放落曹操爭先拍

馬而入直到州衙路上不見一人操知是計忙撥回馬大叫退兵州衙中一聲炮響

四門烈火轟天而起金鼓齊鳴喊聲如江翻海沸城東巷內轉出張遼西巷內轉出

威霸夾攻掩殺操走北門道旁轉出郝萌曹性又殺一陣操急走南門高順侯成攔

住典韋怒目咬牙衝殺出去高順侯成倒走入城中計者未得其入城殺敵者倒走出城好笑典韋殺離吊橋回

頭不見了曹操翻身覆殺入城來門內撞著李典典韋問主公何在典曰吾亦尋不

見韋曰汝在城外催救軍我入去尋主公李典去了典韋殺入城中尋覓不見再殺

出城河邊撞著樂進進曰主公何在韋曰我往兩邊尋覓不見進曰同殺入去救主

語亦壯兩人到門邊城上火炮滾下樂進馬不能入典韋衝煙突火又殺入去到處尋覓

典韋三入火城可謂英勇却說曹操見典韋殺出去了四下裡人馬截來不得出南門再轉北門火光

裡正撞見呂布挺戟躍馬而來辦殺讀書者至此必謂曹操死矣操以手掩面加鞭縱馬竟過妙有胆識若此時便撥馬

則走必反被擒矣呂布從後拍馬趕來將戟於操盔上一擊問曰曹操何在因其掩面故認不真然亦以其縱馬竟過故不疑其即操也

操反指曰前面騎黃馬者是他有智呂布聽說棄了曹操縱馬向前追趕見了曹操反問曹操捨却曹操別趕

曹操說云方說曹操曹操就到當面錯過豈不好笑曹操撥轉馬頭望東門而走正逢典韋擁護曹操殺條血

路到城門邊火焰甚盛城上推下柴草遍地都是火韋用戟撥開飛馬冒烟突火先

出曹操隨後亦出方到門道邊城門上崩下一條火梁來正打着曹操戰馬後膀那

馬撲地倒了又必謂曹操死矣操用手託梁推放地上手臂鬚髮盡被燒傷曹操之腹未割于

之鬚鬚亦苦矣典韋回馬來救恰好夏侯淵亦到兩個同救起曹操突火而出操乘機

馬典韋殺條大路而走直混戰到天明操方回寨眾將拜伏問安操仰面笑曰如此一

後忽忽發笑正謂所誤中匹夫之計吾必當報之郭嘉曰計可速發操曰今只將計就計詐

言我被火傷火毒攻發五更已經身死昨日已詐死你許我詐你好看熟人布必引兵來攻我伏

兵于馬陵山中候其兵半度而擊之布可擒矣嘉曰真良策也于是令軍士挂孝

發喪昨日操馬城內一片紅今日操馬城外一片白紅是真紅白是假白詐言操死早有人來濮陽報呂布說

曹操被火燒傷肢體到寨身死布隨點起軍殺奔馬陵山來將到操寨一聲鼓響伏

兵四起呂布死戰得脫折了好些人馬敗回濮陽堅守不出是年蝗蟲忽起食盡禾

稻關東一境每穀一斛直錢五十貫人民相食曹操因軍中糧盡引兵回鄆城暫住

呂布亦引兵出屯山陽就食因此二處權且罷兵兩家俱因凶荒罷兵却說陶謙在徐州

時年已六十三歲忽然染病看看沉重請糜竺陳登議事竺曰曹兵之去止為呂布

龍袁州故也今因歲荒罷兵來春又必至矣勢所必然府君兩番欲讓位與劉玄德時府

君尚強健故立德不肯受今病已沉重正可就此而與之立德必不辭矣

立德必不辭矣立德必不辭矣

大喜使人來小沛請劉立德商議軍務立德引關張帶十數騎到徐州陶謙教請入

臥內立德問安畢謙曰請立德公來不為別事止因老夫病已危篤朝夕難保萬望

明公可憐漢家城池為重

以冀家城池為重約是仁人君子之言

受取徐州牌印老夫死亦瞑目矣立德曰君

有二子何不傳之謙曰長子商次子應其才皆不堪重任老夫死後猶望明公教誨

不但讓州兼且托子恭祖可謂知人切勿令掌州事立德曰備一身安能當此重任謙曰某舉一人可為公

輔係北海人姓孫名乾字公祐此人可使為從事又謂糜竺曰劉公當世人傑汝當

善事之立德終是推托陶謙以手指心而死

陶恭祖三讓徐州其子曰恭其子則讓可謂名稱其是

眾軍舉哀畢即

捧牌印交送立德立德固辭次日徐州百姓擁擠府前拜哭曰劉使君若不領此郡

我等皆不能安生矣

民心悅服如此想見劉公平日德政

關張二公亦再三相勸立德乃許權領徐州事使

孫乾糜竺為輔陳登為幕官盡取小沛軍馬入城出榜安民一面安排喪事立德與

大小軍士盡皆挂孝

濮陽城外有假挂孝徐州城中有真挂孝一假一真前後照耀

大設祭奠祭畢墓于黃河之原將陶謙遺

表申奏朝廷

應前文

操在鄆城知陶謙已死劉立德領徐州牧大怒曰我讐未報汝不

費半箭之功坐得徐州

真是氣殺

吾必先殺劉備後戮謙屍以雪先君之怨即傳號令剋

日起兵去打徐州

前書賣個人情此時不肯做人情矣

荀彧入諫曰昔高祖保關中光武據河內皆深根固

本以正天下進足以勝敵退足以堅守故雖有困終濟大業明公本首事兗州河濟

乃天下之要地是亦昔之關中河內也

文若此時已將高祖光武事曹操失何後日九錫之加而反有所不滿乎

今若取徐州多留兵

則不足用少留兵則呂布乘虛寇之是無兗州也若徐州不得明公安所歸乎今陶

謙雖死已有劉備守之徐州之民既已服備必助備死戰明公棄兗州而取徐州是

棄大而就小去本而求末以安而易危也願熟思之

藥石之言洞見利害

操曰今歲荒乏糧軍士

坐守于此終非良策或曰不如東略陳地使軍就食汝南潁州黃巾餘黨何儀黃邵

等劫掠州郡多有金帛糧食此等賊徒又容易破破而取其糧以養三軍朝廷喜百

姓悅乃順天之事也

因恨于冠是如策

操喜從之乃留夏侯惇曹仁守鄆城等處自引兵先略

陳地次及汝潁黃巾何儀黃邵知曹兵到引眾來迎會于羊山時賊兵雖眾都是狐

群狗黨並無隊伍行列操令強弓硬弩射住令典韋出馬何儀令副元帥出戰不三

合被典韋一戟刺於馬下操引眾乘勢趕過羊山下寨次日黃邵自引軍來陣圍處

一將步行出戰頭裹黃巾身披綠襖手提鐵棒大叫我乃截天夜叉何曼也

確是強盜

誰敢與我廝鬪曹洪見了大喝一聲飛身下馬提刀步出兩下裡陣前廝殺四五十合

勝負未分曹洪詐敗而走何曼趕來洪用拖刀背砍計轉身一跳砍中何曼再復一

刀殺死

殺得

李典乘勢飛馬直入賊陣黃邵不及提備被李典生擒活捉過來曹兵掩

殺賊眾奪其金帛糧食無數

意正欲得此耳

何儀勢孤引數百騎奔走葛陂正行之間山背後

撞出一軍為頭一個壯士身長八尺腰大十圍手提大刀截住去路

橫因此壯士奇

何儀挺

槍出迎只一合被那壯士活挾過去餘眾着忙皆下馬受縛被壯士盡驅入葛陂塢

如驅牛羊

却說典韋追襲何儀到葛陂壯士引軍迎住典韋曰汝亦黃巾賊耶壯士曰黃

巾數百騎盡被我擒在塢內其趣韋曰何不獻出壯士曰你若贏得手中寶刀我便獻

出韋大怒挺雙戟向前來戰兩個從辰至午不分勝負各自少歇不一時那壯士又

出來搦戰典韋亦出直戰到黃昏各因馬乏暫止可見人自不乏典韋手下軍士飛報曹操操

大驚忙將眾將來看次日壯士又出來搦戰操見其人威風凜凜心中暗喜吩咐典

韋今日且詐敗韋領命出戰戰到三十合敗走回陣壯士趕到陣門中弓弩射回操

急引軍退五里密使人掘下陷坑暗伏鈎手次日再令典韋引百餘騎出戰壯士笑

曰敗將何敢復來便縱馬接戰典韋略戰數合便回馬走將士只顧望前趕來不隄

防連人帶馬都落於陷坑之內黃巾被驅入塢中而驅黃巾之人又陷入坑內而笑被鈎手縛來見曹操操下帳叱退

軍士親解其縛急取衣與之命坐問其鄉貫姓名曹操得英雄心俱用此法壯士曰我乃譙國譙縣人

也姓許名褚字仲康向遭寇亂聚宗族數百人築堅壁於塢中以禦之一日寇至吾

令眾人多取石子準備吾親自飛石擊之無不中者典韋飛石許褚飛石俱可擒擒於前寇乃退去又一日

寇至塢中無糧遂與賊和約以耕牛喚米米已送到賊驅牛至塢外牛皆奔走回還

被我雙手掣二牛尾倒行百餘步如神賊大驚不敢取牛而走因此保守此處無事此

生平須用此操曰吾聞大名久矣還肯降否褚曰固所願也遂招引宗族數百人俱降操

拜許褚為都尉賞勞甚厚隨將何儀黃邵斬訖

細

汝穎悉平曹操班師曹仁夏侯惇

接見言近日細作報說兗州薛蘭李封軍士皆出擄掠城邑空虛可引得勝之兵攻

之一鼓可下操遂引軍還奔兗州薛蘭李封出其不意只得引兵出城迎戰許褚曰

吾願取此二人以為贄見之禮

此處專寫許褚

操大喜遂令出戰李封使盡戰向前來迎

交馬兩合許褚斬封於馬下薛蘭急走回陣吊橋邊李典攔住薛蘭不敢回城引軍

投鉅野而去却被呂虔飛馬趕來一箭射於馬下

果不出陳宮所料

軍皆潰散曹操復得兗州

程昱便請進兵取濮陽操令典韋許褚為先鋒夏侯惇夏侯淵為左軍李典樂進為

右軍操自領中軍于禁呂虔為合後兵至濮陽呂布欲自將出迎陳宮諫不可出戰

待眾將聚會後方可呂布曰吾怕誰來遂不聽宮言引兵出陣橫戟大罵許褚便出

鬪二十合不分勝負操曰呂布非一人可勝便差典韋助戰兩將夾攻左邊夏侯惇

夏侯淵右邊李典樂進齊到六員將共攻呂布

此可云大

布遮欄不住撥轉馬回城城

上田氏見布敗回急令人拽起吊橋布大叫開門田氏曰吾已降曹將軍

誰知弄假反成真

布

大罵引軍奔定陶而去陳宮急開東門保護呂布老小出城

不知此時

操遂得濮陽怒

田氏舊日之非劉曄曰呂布乃猛虎也今日困乏不可少容操令劉曄等守濮陽自

已引軍趕至定陶待呂布與張邈張超盡在城中高順張遼臧霸侯成巡海打糧未

回

巡海打糧與黃巾無異

操軍至定陶連日不戰引軍退四十里下寨正值濟郡麥熟操急令軍割

麥為食

布軍打糧禾回操軍割麥為食照應前文荒之糧

細作報知呂布布引軍起來將近操寨見左邊一望林木

茂盛恐有伏兵而回

操知布軍回去乃謂諸將曰布疑林中有伏兵耳可多插旌旗

于林中以疑之

前義字假白旗只得一處設旗却有其多

寨西一帶長堤無水可盡伏精兵明日呂布必來燒

林

呂布心腸早被曹操猜破

堤中軍斷其後布可擒矣于是止留鼓手五十人于寨中擂鼓將村中擄

來男女在寨內喊

打糧割麥又擄村中男女民生此時亦大困矣況又凶年耶

精兵多伏堤中却說呂布回報陳宮宮曰操

多詭計不可輕敵

曹操詭計又被陳宮猜破

布曰吾用火攻可破伏兵乃留陳宮高順守城布次日引

大軍來遙見林中有旗驅兵大進四面放火竟無一人欲投寨中却聞鼓聲大震正

自疑惑不定忽然寨後一彪軍出呂布縱馬趕來炮響處堤內伏兵盡出夏侯惇夏

侯淵許褚典韋李典樂進驤馬殺來呂布料敵不過落荒而走從將成廉被樂進一

箭射死布軍三停去了二停敗卒回報陳宮宮曰空城難守不若急去遂與高順保

着呂布老小棄定陶而走

處處寫呂布老小蓋因呂布所注意者在此也

曹操將得勝之兵殺入城中勢如破竹張

超自焚張邈投表術去了山東一境盡被曹操所得安民修城不在話下却說呂布

正走逢諸將皆回

打糧

陳宮亦已尋着布曰吾軍雖少尚可破曹遂再引軍來正是

兵家勝敗真常事捲甲重來未可知

不知呂布勝負如何且聽下文分解



中華民國玖拾捌年捌月拾壹日購買

國家圖書館



003877342



線

857.4523

6546

19

v.3

舊籍